

آبونه شرائطی : هر یر ایچون
 سنه لکی (۴۰۰) الی ایلی
 (۲۲۵) ممالک اجنیه ایچون
 سنه لکی (۴۵۰) ، آلتی آیلغی
 (۲۵۰) غروشدور.

نسخه سی ۷،۵ غروشدور .
 سنه لکی ۵۲ عددور .

اداره خانه : باب عالی جاده سنده
 رشید افندی خاندنه

اخطارات
 آبونه بدلی پشیندر .

مسلكه موافق آثار مع المنونیه
 قبول اولنور . درج ایدله یین
 یازیلر اماده اولنماز .

والله یهدی من یشاء الی صراط مستقیم

باش محرر
 محمد ماکف

صاحب و مدیر
 اشرف ادیب

اتبعون اهدکم سبیل الرشاد

الکشاف

آدرس تبدیلینده آریغجه
 غروش کوندرملیدر .

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونسی لازمدور

ممالک اجنیه ایچون آبونه
 اولانلرک آدرس لریک
 فرانسجه یازلسی رجا اولنور .

پاره کوندرلدیکی زمان نهیه
 دائر اولدینی بیلدیرلسی
 رجا اولنور

توصیہ ایدیور۔ بوکی حادثہ لڑک محیط اجتماعیدہ برجرم تلقی ایدیلدیکنه کورہ فاعلارینی خوش کورمک اقتضا ایتمی؟ جمهوریتک حق واردر۔ هرطرفده آنارشی حکمفرما اولدقدن صوکره مکتبلردن باشقه شی بکله مک انصافسزلق دکلده ندره؟...

غرب مدینتک رذیل مؤسسلری

آقشام غزنه سنک «آلتون اوز» دن نقل ایتدیکی بر مقسالده «دیرالزور» قصبه سنده فرانسر مدینتک وجوده کتیردیکی اثرلردن بحث اولونیور۔ فرانسلر اهالی بیننه صاحبقلری نفاق ایله خالق بش آلتی پارتییه آیرمشلر۔ اهالی یکدیگریله دیدیشیرکن فرانسلرده بویوک بر اطمینان وامنیت ایله حاکمیتلرینی ادامه ایدیورلرملش۔ مذکور غزنه دییورکه:

«فرانسر مدینتدن بالاستفاده بوکون دیرالزور قصبه سنده هرخطوده بر میخانه، هرکوشهده بر عموغایه تصادف ایدیلر۔ قافه شانتلرک عددی بکوچوک قصبهده یدی سکزی تجاوز ایتشد۔ وقت غروبده جلهسی لبالب دولودر۔ اوتهدنبرو مسکرات علیهداری اولان بیچاره اهالی بوکون قهوه لرده قهوه چای یرینه قونیاق، لیکور ایسته مک آلیشه لری فرانسلرک نه درجه معارفی ترقیه خواهشکر اولدقلرینی اثباته کافیدر۔»

غرب مدینتک هرکیردیکی یره نه لرکوتوردیکی کوسترمک ایچون بوده فعلی بر مثالدر۔ مملکتیمزی، مانمزی «بلاکید وشرط غریبیلاشدیرمق» ایسته ینلر غرب مدینتک بوسیئاتیده مملکته صوققده نه فائده قازانه جقلردر، بیلیم یورز۔ اجنبی استیلاسنه معروض قالان مملکتلر ایچون غربک جبراً وقهرآ قنالقیرینه مقاومت قابل دکلدر، دیه لم۔ فقط استقلالنه صاحب بر مملکت غربک بوقیل فضایحه قابولرینی قاپایامازمی؟ ایسترسه پک اعلا قاپایه بیلر۔ بوکی رذائی مقاومت ایدیله من جریان شکلنده کوسترمک، ملتده فضیلت حسی قالمادیغنی قبول ایتک دیمکدرکه هر حالده دوغرو دکلدر۔ اجنبی اشغالی زماننده استانبولدهده تأسیس ایدیلان بوقیل مؤسسات رذیله مدنییه نهایت ویرمک اولیای امورک اک متحتم وظیفه سیدر۔

یهودیولرک روحی می دکیشیر؟

آژانسک بری بوهفته سلانیکدن شویله بر خبر کتیردی: «بازارتیطیلی مناسبتیله موسوی خاخالمری اختلاالجویانه بر بیاننامه نشر ایتشلر وموسویلرک کندی مقدساتی حین حاجتده قانلرینی دوکک صورتیله مدافه ایتلرینی توصیه ایتلرلدر۔ بویاننامه لر مصادره ایدیلشدر۔»

بوخبر اگر صحیح ایسه چوق شایان دقت وعبرت بر حادثه در۔ شیمدییه قدر هرکسک کسب رسوخ ایدن قناعتی شودرکه یهودیلر حیاتلری ایچون هرذله، هر مسکنته راضی اولورلر۔ واقعا یهودیلر مقدساتلرینه مربوط بر قومدر۔ فقط جانلری هرشیدن عزیزدر۔ ایش حیات مسئله سنه دایانجه

(آنطالیه) مبعوثی (راسخ) افندینک برقونفرانس اثناسنده (استانبول) ده درت یوز دانس سالونی وار، بونلر تورک اقتصادباتی باتیره جقلر، دیه سنی شوآراقی چوق کورمه ملی... مؤت ومذکر بوتون کنجک ایله بونلر یوزلنده کی چیفته چیفته قاز آیاقلریله، قیر دوشمش بیق، صاقللریله اشتراک ایدن اورته یاشلی، یاخود یاشنی آلمش اولانلرک مجموعی کله جک سنه یه قادر بورالره صیغه مایوب طاشه جقدر۔ بنم قورقدیم ینه قاریجه لی نوظهور بر (لافونتن) لک قیش اورته سنده:

ایش ایدوب کندینه آهنگ ایله رقص ایله می یازی بیهوده پکیرمشیدی آغستوس بوجکی کلدی بردن بره وقتاکه زمان سرما باشلادی قحط وغلا اولغه دهمشت فرما

دییه حکایه بی باغیره باغیره انشاد ایتک قالدیشمه سنده در۔»

عصریلک ذهینتک نولیدر ایلمیکی طبعی حادثه لر

جمهوریت غزنه سنک استخباراته کوره، بکقوز دارالایتمنده مؤسف بر حادثه وقوعه کلش: حریت اعلان ایدیلدی ۲۳ تموز عید ملی کونی روزمت توزیع ایدن ارکک طلبه نک یانه بکقوز قیز دارالایتمانه منسوب خاتمر ترفیق ایدیلش، بونلر اوکون فضلہ خسته لاشلر۔ معلمه خدیجه خانم دارالایتم قیزلرینک عید ملی کونی روزمت توزیع ایتدکری ارکک آرقداشلری ایله یارامازلق پایهرق امراض سارییه مصاب اولدقلری حقنده بر شایه چقارمشل، بوشایه مکتبک ارکک وقیز طلبه سی آره سنده اولدجه مهم بریدی لودی بی موجب اولش۔ بوندن متأثر اولان قیزلر برابر کزدکری ارکک آرقداشلرینه [۱] بر مکتوب یازهرق معلمه خدیجه خانمک مکعبه صوقولماسی ایچون کندیلرینه معاونت ایدیلسی رجا ایتشلر۔ مکتوب قابوچی طرفندن باقلاشمش، مدیره ویریلش، ارککلر خبردار اولهرق مدیره کیتشلر، مکتوبی ابسته مشلر۔ مدیر بوحرکتی کستاخانه بولهرق طلبه بی تقییح ایتش۔ نهایت مسئله منازعه به منجر اولش۔ مدیر وهیئت تعلیمه یدی طلبه طرفندن ضرب اولونمش، چوجقلر معلمه خدیجه خانمی ده آرامشلر، بولهمامیشلر... حادثه دن صوکره مکتبهده انضباط قیلتی اجتماع ایدرک متجاوزلوی مکتبدن اخراج ایدرک قره غوله تسلیم ایتشلر۔

مکتبلرده ضبط وربطک نه درجه لره کلدیکی کوسترن بوحانه آنارشیدن باشقه برشیمیدر؟ بوکی حادثات، حیات اجتماعیهده حصوله کلن بحرانک سرپشتیلریدر۔ ارککلر وقیزلرک محیطدن آلدقلری تأثیرات ایله «عصریلک» ی مکتبلردهده تطبیقه قالدیشمالرینی اوقدر غریب کورمه ملیدر۔ بونلر متبادیاً وقوع بولان تلقینلرک، ایشله نیلن فعللرک طبیی نتیجه لریدر۔ مسئله اساسندن حل ایدیلدیکه بوکی حادثاتک دها طبعلرینه شاهد اوله جغمزه شبه یوقدر۔ اعتراف ایتک لازمدرکه مدهش بر تردی حیات اجتماعیه نک بوتون صفحاتی آلابیلدیکنه صادمقده در۔ وبونک نروده قرار قیله جنی ده بلالی دکلدر۔ جمهوریت غزنه سی حادثه بی ایقاع ایدنلرک عفو ایدیلهرک تکرار مکتبه آلملرینی

[۱] بوارککلرک ۲۰-۲۵ یاشلرنده ودارالایتمی اکمال ایتش اولدقلرینی، دارالایتماملرک بویله تمحصیلانی اکمال ایدنلره ماکل اولدیغنی، دارالایتماملره دما برچوق یولسلزلرک وقوع بولدیغنی ینه جمهوریت غزنه سی یازمقده در۔

یهودی بر قبلی بیله فدا ایدم. بر یهودی به نه وطن موهومی حیاتی فدا ایدم. نه ده مقدسات قیغوسی. اونک ایچون بو درکه به دوشن ملتلی یهودیلکه توصیف ایدرلکه ذلت و مسکنتک منتهای دیمکدر.

ایشته یهودیلرک بوتون ملتله یوشمار میلیری معلوم و متعارف اولدی. ایچون بوخبر هرکسک نظر دقتی جلب ایتیش و هیچ کیمسه قید احتیاطلر بونی قبول ایتمه مشدر. مقدسات اوغورنده فدا کارلق خصوصنده ملتلیک یهودیلکه طوغرو کیتدکلی و خیل یول آلمش اولدقلری برعصده یهودیلر بویه حرکت ایدرلرسه البته بوتون جهان ایچون شایان حیرت بر حادثه فوق العاده اولور. مع مافیة، یهودیلرک آنلرنده و روحلرنده محکوک اولان ذلت و مسکنت تمغالینی قازیهرق مقدسات اوغورنده فدای حیات کبی جماعت و شهامت حسریله تمایز ایدم جکیرینی هیچ ده عقلمز آلمایور.

حضرت پیغمبر حقنده فضامت لسانیه بولونانلر

استانبول اجنبی اشغالی آلتنه دوشونجه بوتون نفاقلر میدانه چیقمش، اجنبیلره استناداً شاعر اسلامیه علیهنده درلو درلو افعال شایعه ده بولونانلر اولش، غربک رذیل مؤسسه لری طرف طرف تشکیل اولونمش، اسلامیه قارشى بسله نین غیظ و خصومتلر آغزلردن طاشمشدی. اوسیره لده، رحمة للعالمین اولان حضرت پیغمبر افندیمر حقنده معهود «اجتهاد» غزیه سی ده فضاحت لسانیه ده بولونمش. سیل الرشد اوزمان آنقرده انتشار ایتدیکی جهته بو حادثه حقنده معلومات آله مامشدی. متجاوز هاکه ایدیلرک حبسه محکوم اولمش. استیناف محکومیتی رفع ایتیش. اوراق محکمه تمیزه کیتنش. تمیز بورفع محکومیت قرارینی نقض ایتیش، شیمدی اون ایکی آغستوسده محاکمه تکرار باشلايه جق.

بر غزیه بو حادثه دن بحث ایدن قره نك باشنه «حالا شو فضاحت لسانیه دعوامی ا» دیور. نه دیمک ایسته دیکنی آکلايه مادیق. اگر عدلیه ده ایشلرک ناصیل سورونجه ده قالدیغنی آکلاتمق ایسته یورسه اوکا دیه جک یوق. فقط بوزمانده محکمه لده بویه دعوالرک رؤیت اولونامایه جفی اشراب ایتلک ایسته یورسه قانون جزاده کی ماده نك الفاسنه تشب ایتسی لازم کلیر. اوماده باقی قالدیقه محکمه لر بکونده، یارینده جناب پیغمبر حقنده فضاحت لسانیه ده بولونانلرک یاقه سنه پاییشه جقدر.

استانبول قیز لیسسه ملی باب مشختمه کی مسامره سی

استانبول قیز لیسسه سی ترتیب ایتدیکی بر مسامره ده شاعر اسلامیه ایله استخفاف واستهزا ایدن بریه س تمثیل ایتدیکی کچن هفته غزیه لردن نقل ایتمشدک. ملغا باب مشیخت بناسنده اوینانان بوتیارو فرداسی کونی بردها تکرار اولونمش و بو ایکنجی تمثیلده معارف ارکانی ودها بر جوق دعوتیلرده حاضر بولوندورلمش. توحید افکار رفیقمر اوراده حاضر بولونان ذواتک رسملریله مأذون خانلرک فطوغرافیلرینی درج ایتدکن صوکره دیورکه :

«مشیخت بناسنده بولونان استانبول قیز لیسسه سنده، دون مکتبه بو سنه مأذونه لری طرفدن بر وداع مسامره سی وریلشدر. مسامره ده، طالبه خانلر تمثیل ایدم جکلی بریه سی انتخاب ایدرکن پاکیدلشدر. بز بو خطایی، بوخصوصه تجر به سز اولدقلری آشکار اولان مأذونه لره دکل، مسامره بی

برلکده ترتیب ایدن مکتب هیئت تعلیمیه سنه عطف ایدیورز. (تورک اوشاغی) نامنده و تورک عادات و عفتنایله طالبان طابانه ضد صفحاتی حاوی اولان بو پیسده بالخاصه مسلمانلق علیهنه، طالبانه سویلتدیریلن سوزلر جوق چیرکیندر. «مسلمانلق مالئک قادینلق حقنده کی تلقیلرینی» کولونج بولارقی «مسلمانلق تورک قادینلقنک اک صریح حقنی انکار ایتدیکی» ادعا ایدن بو پیسده کوسریلک ایسته نیلن تورک قادین وارککنی اصلا طانیایورز. بزم طانیایفمز تورک ارکی سلام مقامنده اطرافنده کی خانلرک آلنی اوپه دیکی کبی بزم طانیایفمز تورک قادیننک حجاب و عفتی ده برابرنده بولوندی یی یاانجیسی اولان ارککلرک ایچنده تأهلدن و بو ارککلرک آره سنده بکنده کی کیمسه لردن بحث ایتمه مالمدر. مکتبک بوسه کی مأذونه لری ارککلر قارشپسنده بویه تیارویله اوینارلرکن تورک قادیننک هرمانکی بر ارککلر برابر بولوندوریلادیفدن شکایت ایدن بر پیسه سی انتخاب ایتله لری زمین وزمانده موافق دلدی. بو اثری مأذونه خانلره اویناتانلره بکونکی وصالی کونکی نسخه مزده مندرج بر انکلرک (قادینک اک بویوک مدافعی حضرت محمدر) عنوانلی مقاله لرینی اوقومالرینی و خانم قیزلر مزه، اسلامیتک قادینلره اسیر معاملهی ایتدیکی کبی سقیم فکرلری تلقین ایتمه لرینی توصیه ایدرز...

توحید افکار رفیقمر اوینانان تیارو حقنده ایضاحات ویردکن صوکره پروغرامک متباقی قسمی حقنده ده شو ایضاحاتی ویریور :

(پالان دوکن) و (فکرک مزارنده) اسنده کی طالبولر کوسریلش، تمثیلر آراسنده خلقیه خانم بیانو ایله و معلم جواد بکده کانه آلا تورقه بعض پارچال چالشلر و طالبات ده متعدد شریقلر سویله مشلردر. مسامره نك ختامنده مدعوینه جای وایسته اکرام ایدیلشدر. والی راشد، دارالفنون امینی اسماعیل حق بکله مطبوعات ارکانی و ذوات سائر مدعوین میاننده ایدی.

مکتب هیئت تعلیمیه سنک برکره ملی باب مشیخت بناسنده نامحرم برطاقم ارککلر حضورنده مکتبلی قیزلره تیارو اویناتمی، بیانو و کان چالدرمی، شریقلر سویلتمی، ثانیاً بالخاصه شاعر اسلامیه، عادات و عفتنات ملیه علیهنده اولان بر پیسه سی انتخاب ایتمی ازهرجهت شایان تأسفدر. بالخاصه عصرلرجه مسلمانلرک مرکز دینیسی اولقله بر قیمت معنویه یی حائز اولان بر بناده بوکی حسیات اسلامیه یی رنجیده ایدم جک افعال و حرکاتده بولونولمی هیچ ده مناسب دکلد.

مقدما استانبول مفتیسنه و فتواخانه مأمورلرینه عصرلردن بری ساکن اولدقلری بر بنانک قابولرینی قاپایوب ایجری صوقاین بر مکتب مدیری بویه بر بناده تیارو اویناتمق، شرقی سویلتمک، چالنی چالدریمق، شاعر اسلامیه علیهنده سوز سویلتمکده بر ذوق مخصوص طویه بیلیر و هر فرصتدن بالاستفاده مسلك علمیه یه قارشى تجاوزاتده بولونان دارالفنون امینی ده بو ذوق مخصوصه اشتراک ایدم بیلیر. فقط حکومتی تمثیل ایدن والی بکک بویه شیلرک حکمت حکومتله هیچ ده قابل تألیف اولمادیغنی تقدیر ایتمی و اوکا کوره بروضیت آلمی اقتضا ایدردی. زیرا والی، مسلمانلرک اضطراب و اشتکالرینک مرجعی اولان بر مقام ولایتده بولونیور. بو حال کوردکن صوکره مسلمانلر رنجیده اولان حسیاتلرینی، مضطرب اولان قلیلرینک شکایتلرینی کیمه عرض ایدم جکلی... مفتی اقدینکده مسامره ده حاضر بولوندیغنی سویلیورلر؛ اگر طوغرو ایسه والی الله المشتکی !..